

Uno Provedador a la sanità.

† Sier Francesco Foscari, fo podestà e capitano a Feltre, qu. sier Nicolò	791. 694
Sier Hironimo Bragadin, fo auditor vechio, qu. sier Daniel, el qual prima offerse e pagò ducati 650 per imprestado, hora offerisse ducati 100 e dona il don	756. 724
Sier Bortolamio Moro, fo camerlengo di comun, qu. sier Francesco, qu. sier Antonio procurator	569. 912
Sier Alvise Minoto qu. sier Giacomo	464. 1017

Uno Auditor nuovo.

Sier Marco Antonio Michiel di sier Vettor, dona ducati 100	658. 708
Sier Hironimo Contarini, fo savio ai ordeni, qu. sier Tadio, qu. sier Andrea procurator, offerisse ducati 200 e il don dona	628. 722
† Sier Vicenzo Zorzi, fo avochato grande, qu. sier Antonio, qual offerse ducati 150 e dona il don	800. 557
Sier Francesco Zen, fo savio ai ordeni, di sier Alvise, ducati 200 e il don	683. 665

Uno Provedador al sal.

Sier Francesco Contarini, fo di Pregadi, qu. sier Alvise, el qual oltra ducati 1500 offerse e pagò per avanti, offerse ducati 600 e il don	551. 795
Sier Polo Malipiero, è di Pregadi, qu. sier Giacomo, ducati 1000 e il don	589. 749
Sier Matio Alberto el grande qu. sier Antonio, portò contadi ducati 500 d'oro e offerse altri 500 e dona il don	610. 732
† Sier Alvise di Prioli, è di Pregadi, qu. sier Francesco, ducati 1500 e il don	798. 540

Uno oficial a la Doana.

† Sier Francesco Boldù, fo Piovego, qu. sier Hironimo	733. 653
---	----------

Sier Zorzi Memo, fo a la zecha di l'oro, di sier Lorenzo	677. 742
Sier Giacomo da Mosto, fo extraordinario, qu. sier Andrea	689. 732
Sier Zuan Loredan, fo podestà a Porto Bufolè, qu. sier Tomaxo	544. 879

Nè altre voxe fu fato, ch'è contra le leze.

Achadete ozi, che si trovò restar a Consejo uno 135 *
Bexalù spagnol, vestito a manege a comedo, e sentò fra i banchi, et *etiam* fo Domenega, *licet* fosse mandato zoso per esser contra quello publicà il Canzeller grandò avanti il lezer di la proposta, *videlicet* che vadino fuora di questo Consejo quelli non ponostar, e poi fa serar le porte; et sier Francesco Bolani l'avogador, inteso questo, et era apresso sier Vincenzo Grimani di sier Francesco, andò a la Signoria et voleva meter una parte contra di lui atento la sua disubidientia, et *tamen* non vi è leze contra di popolari ma ben contra zentilhomeni che non hanno la età et vieneno. Et andato esso Avogador a la Signoria, come ho ditto, per far questo effecto, li Consieri non li lassono meter parte et fo gran contrasto; sichè l'Avogador ave pacientia e il Bexalù fo mandato zoso; el qual ave grandissima paura di non esser condenato, et *de plano* voleva prestar a la Signoria ducati 300.

Di campo, fo letere, al tardi, di sier Andrea Griti procurator, provedador zeneral, di 18, hore 3 di note, da Ronchadella. Come era li zonto con monsignor di Lutrech e altre zente vicino a Brexa mia tre, et la matina sariano sotto Brexa con le artellarie; el governador nostro Triulzi è al Monpian. Scrive aver deputato da 4 bande farli la bataria et darli la bataglia, *licet*

A dì 21, Mercore. È da saper, questa note passata, a hore zercha tre, fo un sensibel teremoto in questa terra mazor sia stato dal grande in fuora; et durò alquanto, ma non fe' danno alcuno, e fo sentito da tutti. Io era in leto, e cussi il forzo di la terra, e nel primo sonno.

Vene in Colegio, sul tardi, sier Zorzi Emo rimasto eri procurator, acompagnato da 8 Procuratori, et sier Marco Bolani più vechio *etiam* vi fu in chiesia a la messa, ma non vene suso in Colegio per le scale; el qual Colegio si fa di suso al consueto e non più in camera da basso; et era vestito di veludo cremexin, con assa' altri patricii che lo acompagnoe, et molti vestiti di seda e scarlato so' parenti etc. El qual